

PAYS D'AOSTE SOUVERAIN mouvemèn peizàn que s'eungadze pe **L'EUNDÉPANDANSE DE LA VAL D'OUTA**

- Considéréye la possibilité réella d'otîin lo **drouet d'otodéterminachón** selón le-z-accor eunternachonal di "DROUET DE L'OMMO": drouet a l'otodéterminachón di peuplo pai comme l'et établi pe la Carta di Nachón unie, tsapitre 1, art. 1, paragrafe 2 é ratifiá pe la LN. 881/1977, lloué nachonala valabla selón la C. P. di 21/03/75, conféranse de pése di 1948, vua la conféranse de Helsinki di 1975 que l'at établi lo **drouet de otodéterminachón di peuplo que chou la libbra émansipachón di Peuplo Valdôtèn**;

- Considéréye la déclarachón de Chivasso di peuplo dizalpe di désambre 1948 é eun tegnèn contcho de la volonté de défendre le minorité etneueque;

PAS s'eungadze a travaillé deun le-z-eunstituchón

eun beuttèn eunsemblo de dzi libbre que l'achan comme **beut solet lo bièn de la Val d'Outa é di Valdôtèn**, preste a eumpléyé totte leur-z'énergie deun le prochène éléchéon avouí la lista **PAS** que se présente avouí si programme poleteuocco é de aministrachón:

1. Plaché la persona i santre de la sosiété.

PAS condanne la massificachón di dzor de voueu, l'eundevedualisme de dréite é la collettivizachón de gotse; i nivó eunstituchonel, l'étá l'è po lo beut, l'è la persona que l'è lo fondemèn. Tsaqueun deí poussèi itre **conchàn** é, eun mimo ten, **libbro**.

2. Représenté tcheu le Valdôtèn avouí eungn'atenchón spéchala pe le dzoveun-o.

Valdôtèn son tcheu sisse que vequèison inque, sensa deusteunchón. "Nétre eun Val d'Outa ou itre Valdôtèn de pi de jénérahón, l'ou po díye fiye par de la comunité etneucca valdoténa. L'etnia fo la chédre, l'è jamí çaitsouza que te veun pe éretadzo, i contréo, demande de-z'éfor, demande de bataille tcheu le dzor, tsaqueun atò le moyèn que l'at, pe la défendre é seurtou pe la pouté ver lo demàn". (sit. Bruno Salvadori)

3. Applequé de fason euntégrala l'art. 14 di Statù de la Réjón otonomma Val d'Outa (Zona Franca).

Ézersé lo drouet/devouer que tsaqueun l'at pe fiye applequé to l'artico 14 di Statù de la Réjón otonomma Val d'Outa (Zona Franca), lloué eunstituchonella di 26 févri 1948 n°4, délibéréye i Conseil réjónal lo 11 maas 1948: **lo territouéo de la Val d'Outa**

l'è foua de la leugne doganala é l'è Zona Franca. Le modalité d'attuchón de la zona franca sarèn concordéye euntre la Réjón é l'Étà que nen fére an lloué esprés". S'ajèi de travaillé a Romma avouí l'édo di noutro reprézentàn, Député é Sénateur é, eun mimo ten, de sogné le llétondze avouí mouvemèn é parti di Parlemèn é de la comechón eropéenna pe beuté eungn'évidanse la violachón de la Costetuchón de l'Étà Italièn.

4. Plaché le quemeun-e i santre di désejón léjislativ, économeuque é sochale.

Euntrodouïye é eumpléyé l'estremèn di référendum communal pe le désejón llétye a de problématique de la quemeun-a.

5. Modefié le lloué pe le-z-éléchéon di quemeun-e é di Conseil réjónal.

Propouzé lo "**panachage**" (tsaqueun l'a lo drouet de chédre le candidà deun de liste défente) pe le quemeun-e dezò le 1.500 abitàn. **Redouïye a 25 lo nombro di conséillé réjónal** eungn'applequén eun sistémo de collézo uninominal que garantisséye la reprézantanse difujéye de to lo territouéo. Revire **la Lloué réjónala di 6 désambre 2019 n° 18** su le paye di senteucco eun pensèn a eunna variabilité selón lo bilàn, lo tourisme, la seurfase, la distanse de Veulla, le défèn problème sochal, économeuocco ou lengueusteucco é po maque, comme l'è ara, selón lo nombro di-z-abitàn.

6. Redéfini le rolo.

Le fonchonéro pebleuque son i servicho di dzi é po lo contréo. Le politisièn dèyon baillé dez-adresse cléee pe alevéti le prateuque, deun lo pebleuque é deun lo privé. Créachón d'an banca de donné que permettèye eungn'ésandzo paritéro euntre sisse que lo travail lo baillon é sisse que lo fan.

7. Baillé de valeur i patrimouéno queulterel é a l'écoulla.

Rezoudre la situachón di travail préquéro di-z-anségnàn. Baillé pi de valeur i lenve dza moutréye é recougne, défendre lo fransé, baillé pi de plase i patoué é i préjé waiser. Fiye déquevri la noutra identité, la queulteua é l'istouére de noutra réjón eungn' euntégrèn sisse apprentissadzo deun lo sistéme scolére, a parti di pi petchou canque i pi grou. Moutré san manqué é de magnie eumpourtanta co l'anglé eun sognèn le-z-ésandzo queulterel. L'eustrechón dei itre considéréye prioritéra deun tcheu le momàn de la crèisua eun sognèn bièn de pi lo contat avouí la nateua é lo patrimouéno queulterel de noutra Val d'Outa.

8 .Sogné lo développemèn sinerjeucco di séteur pi eumpourtàn di domène économeuocco de la Val d'Outa.

Eunséré l'**agriquelteua** é lo **tourisme** deun la réaltité locale eun baillèn grousa valeur a la **sensibilité écosoutenabla** eun toutèn maamàn totte le resourse énerjéteuque que produèison polluchón. Revire la lloué pe le streteue agrotouristeuque. Récupéré di tot le mitcho que léi son dza eungn'ézentèn, ieuí l'è poussibblo, de baati su de tèren nouvi é eun reprégnèn eun man la l.r. 11/98 pe cougnitè la réella situachón devàn que lo 1985. Protédjé lo territouéo valdotèn é totte se resourse naterelle.

Développé le servicho deun le combe pe ézenté que le dzi abandon-éyan le veladzo eun fiyèn mouére totta an série de réaltité économeuque é sochale. Améilloré le llétondze euntre le combe. Pensé a eun **bonus spésefeucco de 3kwh a décalé su lo consummo di couràn élétreuocco pe le rézidàn é pe le-z-attivité** que se fan eun Val d'Outa.

9. Favorisé la réella partisipachón a l'attivité amministrativa eropéenna.

Baillé bo so pi d'atenchón a la repartichón di fon eropèèn pe lo développemèn économeuocco é sochal de la Val d'Outa.

10. Omeunté l'assistanse su lo territouéo.

Omeunté lo nombro di-z-eunfierni su lo territouéo deun totte le streteue pe la santé. Pouché lo travail de groupe multiprofèchonel é multidisiplinéro perqué totta la comunité se retrouève eungadjiéye eunsemblo a sogné le pi fèiblo atò l'édo étò di **nouvele tecnolojji** que permettèyan de sogné le dzi eun tchi sé. **Recalifié le OSS (opérateur sochosanitére) eun OSSS (opérateur sochosanitére spésializé)** deun le streteue rézidanchelle ou mi-rézidanchelle é sanitére deun lo beut de le fourmé é de léi permettre de baillé le medeseun-e i dzi que léi titton. Beuté eun valeur la fegueua di medeseun de baze. La Val d'Outa, eun tegnèn contcho de se spésifisité, prendré de désejón otonomme deun lo cas de émerjanse sanitére ou de calamité.

PAS l'ou pouché é eumpléyé, pe garanti la pése euntre tcheu le peuplo di mondo, la fourma de Fédéralisme euntégral é personaliste eun beuttèn comme premi objéti eunna **Nouvila Eroppa Unia é Fédérala di Réjón é di Peuplo.**

Le président Michel Alexandre Perret